

輝縣志卷八

輝縣知縣黔筑周際華石藩纂修

學校志

學宮

輝邑有學有廟初建遠不可考元至元丙子知州司仁  
 重修費幾萬緡壯麗甲他邑越四十六年至治壬戌知  
 州田良輔重建大門州同知王公儀撰文記石又十年  
 至順壬申同知彭嗣祖重修明洪武丙辰主簿徐文重  
 修天順戊寅知縣王傑重建 大成殿宏治乙卯知縣  
 李琮重修始為櫺星門提學車璽撰記乙卯知縣劉玉  
 繼修嘉靖戊子知縣張天真修葺嗣後廟漸頽敝訂已  
 河北道陰標撤舊大新之知縣李愚相王副使蔡國熙  
 撰記隆慶四年知縣王自修建名宦鄉賢二祠萬歷戊  
 寅知縣聶良杞丙戌知縣盧大中續葺

輝縣志

卷八

學校

學宮

一

國朝順治九年御史王亮教捐俸重修撰記勒石十二年  
 教諭朱頌祿重修翰林宮允王紫綬撰記康熙十九年  
 訓導孔印恒捐金任勞重修 大成殿兩廡及四週牆  
 垣三十六年知縣喻良臣重修

先師殿並兩廡大成門名宦鄉賢二祠記石雍正六年知縣  
 張鏐始建忠義孝弟祠乾隆十三年知縣王孚補修大  
 成門十五年知縣高雋飛重修奎光樓二十一年知縣  
 文兆誦重修

先師殿及兩廡鄉賢忠孝節義各祠五十九年知縣高上桂  
勸捐重建又於大成門外創修東西官廳各三楹移出  
義孝弟神位配享鄉賢祠撰記勒石道光四年教諭郭  
士冠訓導璩輝補修十四年又加修葺

至聖先師殿五楹

東西兩廡各九間其兩端為神廚神庫祭酒祭帛所

大成門三間兩角門各一間

泮池在大成門前跨以石橋

櫺星門在泮池前以石為之

照壁在櫺星門前兩端各有門

名宦祠三間在大成門左南向

輝縣志

卷八

學校

學宮

二

鄉賢祠三間在大成門右南向

忠義孝弟祠三間舊在名宦祠前南向久廢

文昌祠在櫺星門東又一在古城外東南隅詳見祠祀

奎光樓與文昌祠同閣樓北舊有宰牲堂久廢

崇聖祠舊在文廟東北隅萬歷四十五年主簿譚曾傳

重修明季傾敝

國初因時雨堂五間改為祠教諭朱頌祿重修乾隆十八

年知縣文兆奭繼修五十九年知縣高上桂重建道光

四年教諭郭士冠訓導璩輝補修十四年續修

敬一亭舊在明倫堂前萬歷癸巳知縣紀雲鶴移建明

倫堂後

國朝乾隆五十九年知縣高上桂重修道光四年教諭郭士冠訓導璩輝補修十四年續修

學署

明倫堂五間堂之前東為進德齋西為修業齋辦事房

四間久廢教諭劉揆敘建大門三間舊係敬一亭明萬歷癸巳知縣紀雲鶴移

建敬一亭於兩旁角門各一間外有東西兩門東曰義

路西曰禮門乾隆十七年邑令文兆奭修葺五十九年

知縣高上桂重建

時雨堂五間在敬一亭後今為崇聖祠

教諭宅在明倫堂右大門一間二堂三間堂東一門一

間南書房三間馬房一間北為內宅門一間正房三間

輝縣志

卷八

學校

學署

三

東房三間西房二間順治十六年邑令趙蔭奇創建道

光元年教諭郭士冠補修

訓導宅在教諭宅南嘉慶二十四年舊宇全圯訓導璩

輝重建大門一間二堂三間堂左為二門內書房二間

茶房二間堂右馬房一間北為內宅正房五間東房三

間西房三間宅西有菜圃

儒學門在櫺星門右南臨大街明志載北行數十步有

亭亭內石刻大書進士第三字今亭圯碑移置明倫堂

大門壁上

射圃在儒學西久廢

學基坐落縣治西東至南北大街西至察院南至東西

大街北至後街四面方整 文廟各祠署齋倉圍俱在  
其中共地二十畝許除學宮學署外所閒地基民人蓋  
房賃住由儒學徵租

學田坐落新鄉縣西北窰場 輝縣北關村北 寨子

莊西南 荒家莊北 孫村北 野雞衝以上教諭管理 南

關村西 郭雷 中曠東 三里屯東以上訓導管理 又郭

家村西南 盆窰溝以上兩學均管

以上十二處共地八頃五十畝每年由儒學徵租銀一

十二兩六錢徑解學院發賑用

學宮書籍

御製錢名世詩二冊 雍正四年頒

### 輝縣志

#### 卷八

學校

學署

四

上諭一冊 雍正六年頒

聖諭廣訓直講一冊

上諭二十四冊 以上雍正七年頒

御製平定青海告成大學碑文一通 雍正十年頒

上諭一冊 雍正十一年頒

欽定學政全書一部 乾隆元年頒

大清律例一部 乾隆五年頒

欽定四書文一部 明史一部

上諭十冊 以上乾隆六年頒

御纂周易折衷兩部

欽定書經傳說彙纂一部

欽定詩經傳說彙纂二部

欽定春秋傳說彙纂二部

大清律例校正各條一冊

大清律續纂條例一部

欽定性理精義二部 以上乾隆六年頒

御批資治通鑑綱目一部

御撰資治通鑑綱目三編四冊 以上乾隆十一年頒

上諭清漢字各一冊 乾隆十四年頒

御製平定金川告成大學碑文一通 乾隆十九年頒

欽定大清通禮一部 道光五年頒

歲試入文武生各十二名 科試入文生十二名

### 輝縣志

### 卷八

學校 學署

五

廩生二十名 增廣生二十名

送學 每學政歲科試新生紅案到學之後知縣示各

生送學日期至期各生詣縣署集寅賓館知縣公服陞

堂各生由東角門進至簷下行庭叅禮畢各生依次列

座禮書分賜花紅酌酒三巡畢各生面北三揖具鼓樂

由中門出知縣親送至 文廟殿階下率諸生行三跪

九叩禮畢詣明倫堂宣讀

訓飭士子文知縣教官行交拜禮諸生拜師兩拜謝知縣兩拜

入坐行酒數巡肅揖而退

賓興 每大比之歲七月初旬本縣預治棧筋架彩橋

十吉具棧延致貢監生員至期詣縣堂各生見縣官教

官各向上打三躬畢卽席縣官居右席教官居左席諸生依次東西列坐酒三巡具鼓樂由中門導諸生登彩橋僂人簪花諸生俱往城東南文昌閣俟教官縣官到率諸生行三跪九叩禮禮畢卽席如縣堂儀酒三巡諸生揖謝而退

書院 義學附

百泉書院舊在縣西五里蘇門山麓百泉之左卽太極書院始於宋元至明成化十七年壬寅提學僉事吳伯通知府張謙創建叅政吳節有記後廣陽車璽濟南王勅相繼重修正德庚辰御史汪淵檄知府翟鵬知縣李傑增修嘉靖癸丑隆慶戊辰霍冀揚家相先後修葺萬

輝縣志

卷八

學校

書院

六

歷九年奉例拆廢十二年署縣事本府推官龍德孚始議興復知府周思宸知縣盧大中同修內有先賢祠三間在書院儀門左南向舊祀邵許姚三先生繼而議者謂學當以濂洛關閩爲的並祀周子二程子張子司馬溫公朱子南軒張子東萊呂氏以姚竇二公配享每歲春秋二仲月上辛日致祭取自新之義宏治戊午提學車璽改爲聖廟中設

先師像移十賢列座隆慶壬申巡撫栗永祿增祀四配十哲萬歷戊寅知縣蕭良祀建議蕭正仍改爲先賢祠崇禎壬午汴梁遭寇變決水沒城致罷鄉試次年癸未議補科旨允暫移科場於河朔時邑令郁英以百泉書院請

於御史蘇京因建為貢院

國朝順治乙酉丙戌戊子辛卯甲午丁酉共歷六科至十  
六年己亥御史李粹然會疏請復貢舉於沐梁有司議  
拆書院運沐知府程啟朱力陳原係書院舊基非創建  
者比遂免折巡撫賈漢復修復之康熙二十三年知府  
金雲鳳移檄六屬捐金重修添設東西號房兩座各五  
間前後廳堂俱重修為歲科二試考棚雍正三年考棚  
移衛郡書院基宇仍存乾隆七年撫憲雅爾圖檄藩司  
趙城重修

敷教堂五間貢院名至公堂前有明遠樓堂左右齋舍  
各五十間東西號房六十楹內號門各一間貢院添設  
舍東西各

### 輝縣志

### 卷八

學校

書院

七

三間考棚添號堂後過庭六間主敬堂五間又名五星

堂貢院名堂西有周程專祠三間久廢堂後藏書閣三間

貢院為監臨堂閣前中有石池跨以石橋植蓮於中御史楊  
家相建兩

旁仰止亭俯泉亭各一座閣後為思賢亭原在藏書閣  
前又移閣後

書院最深處大門左右為官廳正廳三間茶房三間門樓一

間康熙二十三年  
知縣金廷夏建乾隆十五年改為

### 萬壽行宮

詳見  
聖蹟道光六年知縣周際華捐俸移置城內並立學

約十條有文記石

立本堂三間東西齋房各三間堂左齋房二間堂右齋

房三間偏西齋房三間南齋房九間後講堂二間東院

寢房二間堂西寢房三間東西房各三間南房八間大

門內屏門一座大門一間門旁耳房二間大門外東西坊牌各一座

### 學約十條

一立學 學於古訓乃有獲學者教也教爲父子教爲君臣數爲長幼夫婦朋友全要在五倫上用功因自己未能知道爰取古聖賢作個樣子照着樣子教去始而費力久後也就自然了如思孝節義古人事蹟多端教其處常如何處變又如何無大無小悉具胸中然後將我之所以言行者證之果有會心斯爲實學若徒讀其書而不明其義知其事而不能師其行縱考據精詳文章燦爛其於學相去遠矣故學者先問我所學何事

## 輝縣志

### 卷八

#### 學校

#### 書院

八

一立教 傳道授業解惑之謂教教者必先明乎道之所由修業之所由戒惑之所由辨然後以其所得使人各得庶幾乎師道立而善人多也今之學者大則爲科名起見小則爲溫飽是圖耳無所謂道無所謂業終其身於狂惑之途而又以其所惑到處惑人外惑生徒內惑子孫修身立命之旨不聞講說日以其庸俗不可而之八股文私相傳染牢不可破是自誤而因以誤人也百泉舊爲先儒講學之地闢其所講有如諸生之所謂私傳八股文否乎諸生收視返聽能潛心於尊德性道問學兩端則山水之靈必富發祥於儒者豈姚許趙竇而後遂不復有達人哉予日望之矣



一立志 學記云士先志凡事必要立定主意站定腳跟咬定牙關做去事方有成若見異思遷或委靡不振到底一事無成譬如欲行千里立定心腸要走路日復一日終有到時若一日不走便一日不到此亦事理之至明者矣故大學首重知止乃能得止總視乎志之定不定耳諸生讀古人書便要志在古人看準了那一條路是我當走的卽竭力以赴那一條路是我不當走的卽死心不爲諺云有志者事竟成切莫把念頭錯過

一立身 人莫不愛身幸而得爲讀書人是何等身分此便要自愛了故內而格致誠正外而齊治均平皆以一身任之若把此身看輕了便可無所不爲而心思骸

輝縣志

卷八

學校

書院

九

骨皆爲無用豈止無用已哉必將敗度敗禮以速戾於厥身是不如不有此身之爲愈矣吾身能爲聖賢豈不甚好卽不能到聖賢地位斷不可流於不肖故變身爲學人第一要務諸生能看得此身甚重然後事業可圖否則罔之生也幸而免耳豈不危哉

一立品 士君子立品宜高取法乃大所謂正其誼不謀其利明其道不計其功其立品者峻也彼卑污之習聲色貨利之謀醜聲穢行爲鬼爲蜮是爲敗類衣冠中豈宜有此旣爲士人卽宜從氣節上用心氣節可伸雖貧賤何辱雖富貴何榮卓然如蒼松翠竹經歲寒而不變乃爲可貴孟子曰人有不爲也而後可以有爲可辨

品之所在光明磊落當不似齷齪寒酸矣

一立德 孔子曰據於德訓行道而有得於心之謂此事原不是高遠難行的只要在人生日用間隨處體貼如吾事吾親能盡一點心能出一點力便是一點孝自大本大原之地以至於一言一動之微推而廣之無所不實則德已無所不具矣讀書人不從已身上積德每見聖賢行事竟以爲非我所能道之不明何問乎德德之不立何所爲據諸生能於家常行習間事事物物逐處講求先明乎道乃可蓄德事業文章何所施而不順也

一立功 儒者有道德而後有事功事功根於道德非

輝縣志

卷八

學校

書院

十

矜言才氣馳逐榮華之謂也生人際遇各殊莫不各有當爲之事卽莫不有當盡之功幸而得志於時則爲相爲卿功在天下等而下之一官一邑各隨其職分之所爲皆可以展吾抱負卽不幸山林終老無所發揮而遇事程材亦足以成人善俗如漢之王彥方陳太邱輩儀型鄉里薰其德皆爲善良非儒者功耶處士純盜虛聲願先生宏此遠謨是不可無立功之願

一立言 言以闡道古來載籍極博必其道明於心見於行而後發於言也取士以制藝將以其言驗其所識與其所行耳非徒摭拾陳言敲金夏玉襲取聲調掠影浮光僅僅焉爲博青紫計也學者作文原是藉題發揮

各抒底蘊若先不明其理必至言之無物

朝廷三年考校比得一士卽以爲服官之選豈可以無味之談違心之論與人家國事哉諸生有志爲文宜取古人立言之旨而深味之然後味乎其言而言且不朽也夫德行本也文藝末也求其本末知所先後可與入德矣豈徒掇科第已哉

一立名 聲聞過情君子所恥蓋無其實而榮其名實足爲士行之累耳然疾沒世而名不稱其又謂之何也彼甘心廢棄之流見事則憇其或堅僻成性又故與世違者無不托名高潔以遂其偷惰忤逆之私不知好高潔亦名也而卒未嘗高且潔焉其亦適成爲無用之名而已矣况至於不顧其名又豈止於無用耶果其立志爲人當必有奮發於中而日章於外者故君子原無近名之心而不可無立名之道

一立誠 所謂誠其意者毋自欺也這是人間生死關頭誠則爲人不誠則爲鬼誠僞之辨敬肆之所由分卽人禽之所由判也是以君子慎之孔子曰謹曰信曰忠曰敬千言萬語總是要學人矢一片誠心心信得過方可爲人若自問先不自信又何以求信於人乎天地之誠於物之可見驗之聖賢之誠於人所不見基之始於一心而成於萬事忍於一夕而積之終身稍有欺罔魂夢難安矣學者曷自思之

附錄明知縣聶良杞學約六條

一立志 蓋聞士貴有志自昔言之匪志則有爲無成安望遠大諸友儼然章服亦旣以儒者稱矣當念國家之所以作養我者謂何而徒竊糟粕備員數以至於泯沒無聞安在其爲作養也故願諸友之立志也勉自策奮仰企前修處則鴻儒出則碩輔卽窮達有命而立志常在于初之上如此則何事不濟何往不達不然優游自棄徒令白首興悲不可不省

一虛心 蓋聞獨學則寡聞士之所以貴有會也會而不能自虛以取善雖會奚補古人有點竄一字而矍然稱謝至語爲一字師者此獨何心哉故初學當資老成

輝縣志

卷八

學校

書院

三

而益出新奇老成當訓初學而間有不逮務宜彼此相下各成麗澤勿以小成自盈勿以直言懷愧勿以套語相諛每會數篇各集衆長以成全美卽數篇之益也如或醇疵由之漫不改圖雖日成百篇無益矣又安所事於會

一勵勤 夫業廣惟勤天下事未有不勤而成者也古人有寢懷鉛筆寤誦詩書帶經而鋤炊葉而讀者矣而卒不負其勤士亦何樂於惰也故願諸友之務勤也經書子史勉力青燈日就月將無間久暫勿以外物自撓勿以多慾自昏勿悻悻然一時而憤憤於異日如是而縱橫百家翱翔六藝學力斯充青紫可拾矣不然而然

倦歲月落冥窮廬因而後省又將安及

一辨文 今制以時文取士取其代聖賢立言也諸友  
毓秀蘇門豈無偉作而其間俚語陳言粗枝大葉漫與  
本旨不相涉者往往有之甚則章句未成音韻不叶卽  
童子之語不逮者如是而尙可言文也諸士自此爲文  
理期精瑩辭期古雅意期渾融義期闡洽雖各自爲家  
而要之愛言剿說鄙俚艱深諸爲文害者務力去之則  
善矣猶有說焉欲學爲吏視已成事近科元魁試卷非  
時藝之已成事耶諸友宜潛心焉勿俟衡文者贅也

一刻期 有司治吏事所謂簿書期會者謂以此相稽  
覈時刻不爽蓋隨時考成之制也諸友文會非吏事比

輝縣志

卷八

學校

書院

三

而漫不稽覈何以別勤惰而示勸懲今與諸友約月爲  
會者三會之日以五人授課本一冊每會錄完本學類  
送以憑品第其前列數人量給筆墨示勸若最不用心  
潦草塞責者送本學量責示懲倘無故不至者一會再  
會姑記三會請不與焉至命題給食有司主之諸友無  
預

一飭行 前數條以舉業相告勉蓋以此會本爲舉業  
也而士人以行檢爲第一義行之不飭則雖奮金碧之  
文竊通顯之路徒爲國家一蠹物耳安所用之諸友生  
長名邦類多禮義自守蔚乎君子之林而有司者過虛  
恐亦有驕傲成風聞里側者剛復自肆庭闈寡恩者

有日事酒卮混迹併優者有餌微賄而屈膝公庭者謂如此類不能盡舉願諸友痛懲而力去之期為無瑕之璧斯士之所以自立而窮達由之矣此在國朝臥碑督學條約詔告丁寧固昭昭也敢以瀆於終篇慎勿詆之曰常談

近聖書院在訓導宅南教諭張止慎創置以致仕未能觀成其地一畝六分四面方整錢糧八分八釐漕米一升九合

李公書院在百泉清暉閣南知縣喻良臣為巡撫李國亮建邑人孟發祥有記後改李公祠碑記移置城內書院

喻公書院在百泉水浹知縣喻良臣捐立邑人孟發祥

# 輝縣志

## 卷八

學校

書院

十四

有記今廢

泉西書院在桃竹園東南知縣何文燿捐立今廢碑記移

置城內書院

義學附

城內社學在學署前路南有養蒙堂三間門樓一間嘉

靖四年提學副使蕭鳳鳴檄知縣許瑄創建久廢舊基現

存儒學經營

國朝道光七年知縣周際華移置南新街觀音堂內有記

東關社學在大街路北 高子祠內道光七年知縣周

際華重立有記

西關社學在大街路北南至街北至蘇東至蘇西至朱

今舊基現存道光七年知縣周際華重立一在崑府  
廟有記一在南街路西東西屋四間門一間南至路北  
至柳東至街西至簷後紳士捐置

南關社學在大街路北嘉慶二十四年知縣楊炳堃倡  
修有記道光七年知縣周際華移置中路柴市堂有記  
三里屯社學在三官廟內道光十四年生員劉光第牛  
泰公立

固圍村社學舊基久廢道光七年職員郭思泉等移置  
玉帝廟內書舍三間田三十畝

趙固鎮社學舊基久廢道光七年貢生李懷來等移置  
興福寺內

輝縣志

卷八

學校 義學

十五

南姚固社學在關帝廟內書舍三間田四十畝道光七  
年生員趙在公等公立

丁家莊社學道光七年監生郭成都等捐設

薄壁鎮社學書舍十七間田二頃二十畝道光七年監  
生徐沛等奉知縣周際華諭公立

吳村鎮社學舊基久廢道光七年監生李蔭棻等重設  
一在鎮東書舍五間田四十畝一在鎮西書舍十間田  
一頃二十畝

南灘社學道光七年武生宋昌等捐設書舍五間田  
頃七十畝

金章社學在牛王廟內書舍三間田五十畝道光七年

袁村等公立

郭雷社學道光七年生員趙桓等捐設

高莊社學舊基在大街地名炭場久廢道光七年知縣周

際華重設觀音堂內房三間學田七十六畝崔承緒等

經管

史村社學在迎恩宮道光十三年生員袁淳民人郭峻

本奉知縣周議建嗣道人楊嘉旺爭控又奉郡憲

照縣案斷結仍設廟內書舍八間田一頃二十畝

侯兆川社學在關帝廟內書舍三間田五十畝貢生陳

孔著監生睢剛等捐設

卓水村社學在新安寺內學田一頃二十畝監生祝昕

耀縣志

卷八

學校

義學

六

等公立

龍王廟社學生員施灼等公立有田五十畝

以上現存

趙寧屯社學官地

王村舖社學在大路北

常村社學官地

沿村社學官地

楊閭社學民張得川地

黃里村社學尼寺地

夏峯社學民李文慶地

鄭家屯社學官地

南雲門社學三官廟地

北雲門社學尼寺地

張九屯社學廣生廟地

褚邱社學官地

早生社學尼寺地

程村社學官地

峪河社學生員周邠地

魯家莊社學尼寺地